

COMUNICÂT STAMPE

CJATÏNSI IN SORINTENDENCE

Miercus ai 10 di Mai

14.30 -15.30

WEBINAR



Partecipazion, protagonisim e empatie. Progjets di educazion al patrimoni culturâl tra societât e comunitât

Intal ambit dal cicli “Incontriamoci in Soprintendenza/Cjatïnsi in Sorintendence”, **miercus ai 10 di Mai aes 14.30** la Sorintendence Archeologie, bielis arts e paisaç dal Friûl-Vignesie Julie e presenterà il contribût **Partecipazion, protagonisim e empatie. Progjets di educazion al patrimoni culturâl tra societât e comunitât**, dedicât ai siei progjets di Educazion al Patrimoni culturâl dentri de **Cunvigne di studis “Educâ “al” e “cul” patrimoni culturâl digjitâl**”, che si fasarà online ai 10 e 11 di Mai dal 2023.

La cunvigne, che e je part de Otave edizion de Setemane des Culturis Digjitâls “Antonio Ruberti”, e je organizade e coordinade de Associazion Internazionâl Digital Cultural Heritage, Arts and Humanities – **DiCultHer**, che la Sorintendence e à l'onôr di colaborâ za di un pieç, e e à l’obietf di **racuei lis esperiencis intal setôr de Educazion al e cul Patrimoni** e di condividi lis politichis metudis in vore des diviersis istituzions che a partecipin.

L’incuintri dai 10 di Mai si propon di aprofondî e di condividi a nivel talian lis sperimentazions inviadis intai ultins agns de Sorintendence su la ricercje intal cjamp de Educazion al patrimoni

culturâl, e di evidenziâ lis sôs ricjadudis in ambit sociâl e tant che “comunitât di ereditât”, cemût che al è descrit inte Convenzion di Faro.

Si tratarà intal specific di doi **projets culturâi** pensâts e metûts in vore partint di bants publics promovûts de Sorintendence: ***Proprio lì davanti a me***, proponût in ocasion de Zornade internazionâl dai dirits des personis cun disabilitât intal 2021, e la iniziative culturâl ***...e adesso sono qui***, progettade pes Zornadis Europeanis dal Patrimoni 2022.

Intal ambit dal projet ***...e adesso sono qui*** e sarà presentade cun di plui la sperimentazion di une galarie virtuâl dai elaborâts realizâts, proponint une altre pussibilitât di comunicazion, di acès ae culture e di partecipazion digjitâl al Patrimoni cul ûs des potenzialitâts imersivis dal Metavers.

Dentri di cheste iniziative culturâl, la Sorintendence e presentará ancje i **elaborâts realizâts dai students dai liceus regionâi** che a àn aderît ai percors pes competencis trasversâls e pal orientament (PCTO) e che a partecipin ae **[SFIDE #HackCultura2023 11 . . . e adesso sono qui](#)** inte rassegne dai prodots digjitâi realizâts des scuelis (ai 12 e 13 di Mai).

Program dal webinar **miercus ai 10 di Mai aes 14.30**

Salûts istituzionâi

Annamaria Nicastro - Sorintendence Archeologie, bielis arts e paisaç dal Friûl-Vignesie Julie

E introdûs, e modere e e presente i projets educatîfs

Morena Maresia - Sorintendence Archeologie, bielis arts e paisaç dal Friûl-Vignesie Julie

Cu la partecipazion di:

Manuel Tinon - Comun di Talmassons, cul Grup Ragazzi Si Cresce e cu la Associazione La Pannocchia Onlus

Fawad e Raufi - scritôr e poete nassût a Kabul, Afghanistan

Giovanni Baxiu - Student, Universitât dal Friûl e tirocinant SABAP FVG

Par partecipâ al Webinar

Si podarà stâ daûr e partecipâ ae cunvigne registrantsi e colegantsi **online su la plateforme di #DiCultHer** a chest link:

<https://www.diculther.it/convegno-educare-al-e-con-il-patrimonio-culturale-digitale-10-e-11-maggio-2023/>

Il Webinar al sarà trasmetût ancje in *streaming* sul **Canâl DiCultHer di YouTube**:
https://www.youtube.com/channel/UCZJvwl_ABCYk59YK1pN0bHw

Si puedin cjatâ dutis lis informazions sui progjets educatîfs sul sît istituzionâl de SABAP FVG, inte sezion dedicate ae Educazion al patrimoni culturâl, a chescj links:

<https://sabapfvg.cultura.gov.it/e-adesso-sono-qui-2/>
<https://sabapfvg.cultura.gov.it/proprio-li-davanti-a-me-2/>

Revision e traduzion dai tescj par cure dal Sportel regionâl pe lenghe furlane de ARLeF / Revisione e traduzione dei testi eseguite dallo Sportello regionale per la lingua friulana dell'ARLeF